

SN 8. 1. 11Bhadrakasuttaṃ

425. Ekaṃ samayaṃ bhagavā mallesu-1 viharati uruvelakappaṃ nāma mallānaṃ nigamo. Atha kho bhadrako-2 gāmaṇī yena bhagavā tenupasaṅkami. Upasaṅkavitvā bhagavantaṃ abhivādetvā ekamantaṃ nisīdi. Ekamantaṃ nisinno kho bhadrako gāmaṇī bhagavantaṃ etadavoca: sādhu me bhante bhagavā dukkhassa samudayaṅca atthagamaṅca desetuti.

Ahañce-3 te gāmaṇi atītaṃ addhānaṃ ārabha dukkhassa samudayaṅca atthagamaṅca deseyyaṃ: "evaṃ ahosi atītamaddhāna" nti tatra te siyā kaṅkhā siyā vimati. Ahañce te gāmaṇi anāgatamaddhānaṃ ārabha dukkhassa samudayaṅca atthagamaṅca deseyyaṃ.

"Evaṃ bhavissati anāgatamaddhāna"nti tatrāpi te siyā kaṅkhā siyā vimati. Api cāhaṃ gāmaṇi idheva nisinno ettha ca te nisinnassa dukkhassa samudayaṅca atthagamaṅca desissāmi.

Taṃ suṇohi, sādhukaṃ manasi karohi, bhāsissāmīti. Evaṃ bhanteti kho bhadrako gāmaṇi bhagavato paccassosi bhagavā etadavoca:

1. Malatesu - sī 1, 2
2. Bhadragato - sī 1, gandhabhako - syā
3. Ahañca sī 1, syā.

[BJT Page 592] [x 592/]

Taṃ kimmaññasi gāmaṇi atthi te uruvelakappe manussā yesante [PTS Page 328] [q 328/]
vadhena vā bandhena vā jāniyā vā garahāya vā uppajjeyyūṃ
sokaparidevadukkhadomanassupāyāsāti. Atthi me bhante uruvelakappe manussā yesaṃ me
vadhena vā bandhena vā jāniyā vā garahāya vā uppajjeyyūṃ
sokaparidevadukkhadomanassupāyāsāti. Atthi pana te gāmaṇi uruvelakappe manussā yesante
vadhena vā bandhena vā garahāya vā nūppajjeyyūṃ sokaparidevadukkhadomanassupāyāsāti.
Atthi me bhante uruvelakappe manussā yesaṃ me vadhena vā bandhena vā jāniyā vā garahāya
vā nūppajjeyyūṃ sokaparidevadukkhadomanassupāyāsāti.

Konu kho gāmaṇi hetu kho paccayo yena te ekaccānaṃ uruvelakappiyānaṃ manussānaṃ
vadhena vā bandhena vā jāniyā vā garahāya vā uppajjeyyūṃ
sokaparidevadukkhadomanassupāyāsā?. Ko pana gāmaṇi hetu ko paccayo yena te ekaccānaṃ
uruvelakappiyānaṃ manussānaṃ vadhena vā bandhena vā jāniyā vā garahāya vā
nūppajjeyyūṃ sokaparidevadukkhadomanassupāyāsāti. Yesaṃ me bhante uruvelakappiyānaṃ
manussānaṃ vadhena vā bandhena vā jāniyā vā garahāya vā uppajjeyyūṃ
sokaparidevadukkhadomanassupāyāsā atthi me tesu chandarāgo. Yesaṃ pana me bhante
uruvelakappiyānaṃ manussānaṃ vadhena vā bandhena vā jāniyā vā garahāya vā

nūppajjeyyumuṃ sokaparidevadukkhadomanassupāyāsā natthi me tesu chandarāgoti.

Iminā tvaṃ gāmaṇi dhammena diṭṭhena viditena akālikena pattena pariyogālhena atītānāgate nayaṃ nehi, yaṃ kho kiñci atītamaddhānaṃ dukkhaṃ uppajjamānaṃ uppajjati.

Sabbantaṃ chandamūlakaṃ chandanidānaṃ, chando hi mūlaṃ dukkhassa yaṃ hi kiñci anāgatamaddhānaṃ dukkhaṃ uppajjamānaṃ uppajjissati, sabbantaṃ chandamūlakaṃ chandanidānaṃ chando hi mūlaṃ dukkhassāti. Acchariyaṃ bhante abbhutaṃ bhante yāva subhāsitamidaṃ bhante bhagavatā "yaṃ kiñci -1 atītamaddhānaṃ dukkhaṃ uppajjamānaṃ [PTS Page 329] [ḷq 329/] uppajjati sabbantaṃ chandamūlakaṃ chandanidānaṃ, chando hi mūlaṃ dukkhassa. Yaṃ kiñci anāgatamaddhānaṃ dukkhaṃ uppajjamānaṃ uppajjissati sabbantaṃ chandamūlakaṃ chandanidānaṃ, chando hi mūlaṃ dukkhassāti. -2

1. Atītamaddhānanti pāṭho marammapotthake na dissate
2. Antarita pāṭhopi marammapotthake na dissate.

[BJT Page 594] [ḷx 594/]

Atthi me bhante ciravāsī-1. Nāma kumāro, bahi āvasathe-2. Paṭivasati, so khvāhaṃ bhante kālasseva vuṭṭhāya purisaṃ uyyojemi: "gaccha bhāṇe ciravāsisaṃ kumāraṃ jānāhīti.

Yāvākīvaṅca bhante so puriso nāgacchati tassa me hoteva aññathattaṃ; mā heva-3 ciravāsissa kumārassa kiñci ābādhayitthāti-4. Taṃ kimmaññasi gāmaṇi, ciravāsissa te kumārassa vadhena vā bandhena vā jāniyā vā garahāya vā uppajjeyyumuṃ sokaparidevadukkhadomanassupāyāsāti. Ciravāsissa me bhante kumārassa vadhena vā bandhena vā jāniyā vā garahāya vā jīvitassapi siyā aññathattaṃ, kimpana me nūppajjissanti sokaparidevadukkhadomanassupāyāsāti. Imināpi kho etaṃ gāmaṇi pariyāyena veditabbaṃ "yaṃ kiñci dukkhaṃ uppajjamānaṃ uppajjati, sabbantaṃ chandamūlakaṃ chandanidānaṃ chando hi mūlaṃ dukkhassā" ti.

Taṃ kimmaññasi gāmaṇi yadā te ciravāsissa mātā aditṭhā āsi assutā, ahosi ciravāsissa mātuyā chando vā rāgo vā pemaṃ vāti. No hetamaṃ bhante. Dassanaṃ vā te gāmaṇi āgamma savanaṃ vā te gāmaṇi āgamma evante ahosi: ciravāsissa mātuyā chando vā rāgo vā pemaṃ vāti.

Evaṃ bhante. Taṃ kimmaññasi gāmaṇi. Ciravāsissa mātuyā te vadhena vā bandhena vā jāniyā vā garahāya vā uppajjeyyumuṃ sokaparidevadukkhadomanassupāyāsāti. [PTS Page 330] [ḷq 330/] ciravāsissa mātuyā me bhante vadhena vā bandhena vā jāniyā vā garahāya vā jīvitassapi siyā aññathattaṃ, kimpana me nūppajjissanti sokaparidevadukkhadomanassupāyāsāti. Imināpi kho etaṃ gāmaṇi pariyāyena veditabbaṃ yaṃ kiñci dukkhaṃ uppajjamānaṃ uppajjati sabbantaṃ chandamūlakaṃ chandanidānaṃ, chandohi mūlaṃ dukkhassāti.

1. Ciranivāsī - sī 1, 2.

回覧

2. Āvāsake - aṭṭhakathā
3. Hevaṃ - syā
4. Ābādhayethāti - syā

10月28日 ゴータミー精舎金曜經典解説 資料

※三蔵經スリランカ版テキスト。講義で使用したのはPTS版とマンマー版です。

<http://www.j-theravada.net/>